


JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA KUMI



15 APRILI, 2019

ORODHA YA SHUGHULI ZA LEO

MKUTANO WA KUMI NA TANO

KIKAO CHA KUMI – TAREHE 15 APRILI, 2019

I. DUA:

II. HATI ZA KUWASILISHA MEZANI:

**WAZIRI WA NCHI, OFISI YA MAKAMU WA RAIS
(MUUNGANO NA MAZINGIRA):**

Randama za Makadirio ya Mapato na Matumizi ya Ofisi ya Makamu wa Rais (Muungano na Mazingira) kwa Mwaka wa Fedha 2019/2020.

III. MASWALI:

OFISI YA RAIS (TAMISEMI):

**78. MHESHIMIWA KIZA HUSSEIN MAYEYE
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali imekuwa ikiwapandisha madaraja Walimu lakini haitoi

malipo stahiki kwa madaraja hayo mapya kwa kipindi kirefu tangu walipopanda madaraja yao:-

Je, Serikali ina mpango gani wa kuhakikisha kwamba Walimu wanapata stahiki zao mara wanapopandishwa Madaraja.

OFISI YA RAIS (UTUMISHI NA UTAWALA BORA):

79. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Tatizo la ujisadi na wizi nchini limeachwa likaendelea kwa muda mrefu sana:-

- (a) Je, ni kwa nini TAKUKURU wasiachiwe kuendesha mashauri makubwa ya ujisadi na wizi Mahakamani moja kwa moja bila ya kuomba kibali cha DPP;
- (b) Je, DPP amezuia majalada mangapi ya uchunguzi kufikishwa Mahakamani na ni kwa nini;
- (c) Je, Serikali haioni kwamba DPP anaweza kutumika kulinda maslahi ya viongozi ambao kwa kiwango kikubwa wanajihusisha na

vitendo vya wizi na ujisadi pamoja na matumizi mabaya ya madaraka.

80. MHESHIMIWA DKT. STEVEN LEMOMO KIRUSWA (LONGIDO):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Halmashauri ya Longido inatakiwa kuwa na Watumishi 1,660 wa kada mbalimbali, lakini kwa sasa wapo Watumishi 1,117 tu, hivyo kuna upungufu wa Watumishi 543 na wengi wao ni Watendaji wa Vijiji, Kata, Madereva na Makatibu Muhtasi:-

- (a) Je, Serikali ina mpango gani wa kutoa vibali vya kuajiri Watumishi wanaohitajika ili kuondoa upungufu uliopo;
- (b) Je, ni lini Serikali itatoa vibali vya kuwathibitisha maofisa wanaokaimu wenyewe sifa za kuajiriwa.

WIZARA YA UJENZI, UCHUKUZI NA MAWASILIANO:

81. MHESHIMIWA HASSAN ELIAS MASALLA (NACHINGWEA):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini ujenzi wa barabara ya Masasi – Nachingwea – Ruangwa – Nanganga utaanza kufanyika kwa kiwango cha lami.

**82. MHESHIMIWA LUCIA MICHAEL MLOWE
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara za Makete – Njombe na Itone Ludewa zipo katika ujenzi lakini ujenzi huo unakwenda polepole sana:-

Je, ni lini Ujenzi wa barabara hizo utakamilika.

WIZARA YA FEDHA NA MIPANGO:

**83. MHESHIMIWA MARY DEO MURO
(VITI MAALUM):**

Atamuuliza Mheshimiwa Waziri wa Fedha na Mipango:-

Je, ni lini Kituo cha Misugusugu “Check Point” kitahamishwa kwani kimekuwa kero kutokana na vumbi linalosababishwa na miundombinu mibovu.

**WIZARA YA AFYA, MAENDELEO YA JAMII,
JINSIA, WAZEE NA WATOTO:**

**84. MHESHIMIWA GODFREY WILLIAM MGIMWA
(KALENGA):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Taarifa mbalimbali za kitafiti zinaonyesha kwamba Mkoa wa Iringa unaongoza kwa tatizo la utapiamlo:-

- (a) Je, ni vigezo gani vinatumika kufikia kwenye takwimu hizo;
- (b) Je, jitihada gani zinachukuliwa na Serikali kunusuru tatizo hilo.

WIZARA YA MIFUGO NA UVUVI:

**85. MHESHIMIWA JOSEPH MICHAEL MKUNDI
(UKEREWE):**

Atamuuliza Mheshimiwa Waziri wa Mifugo na Uvubi:- Kwa mujibu wa Sheria ya Uvubi Na. 22 ya mwaka 2003, Dagaa wanapaswa kuvuliwa kwa wavu wenyewe matundu mm8 – mm10, lakini Sheria hii haijazingatia aina tofauti za Dagaa:-

Je, kwa nini Serikali isifanye utafiti utakaoainisha matumizi ya nyavu kutegemea aina ya dagaa wanaopatikana kwenye Ziwa husika.

WIZARA YA MAJI:

86. MHESHIMIWA DKT. MARY MICHAEL NAGU (HANANG'):

Atamuuliza Mheshimiwa Waziri wa Maji:- Maeneo mengi katika Wilaya ya Hanang' yana matatizo ya maji ingawa Kata za Dirma, Lalaji, Wandela, Gawidu, Bassodesh na Mwanga zina visima vilivyochimbwa licha ya maji kutopatikana:-

Je, Serikai ina mikakati gani ya kutatua matatizo ya maji katika Wilaya hiyo.

WIZARA YA KILIMO:

87. MHESHIMIWA AZZA HILLAL HAMAD (VITI MAALUM):

Atamuuliza Mheshimiwa Waziri wa Kilimo:-

Je, ni lini Serikali itakamilisha mradi wa ujenzi wa bwawa la umwagiliaji katika Kijiji cha Ishololo Halmashauri ya Wilaya ya Shinyanga.

IV. HOJA ZA SERIKALI:

**WAZIRI WA NCHI, OFISI YA RAIS (TAMISEMI) NA
WAZIRI WA NCHI, OFISI YA (RAIS UTUMISHI NA
UTAWALA BORA):**

Kwamba, Bunge sasa likubali kupidisha Makadirio ya Mapato na Matumizi ya Ofisi ya Rais (TAMISEMI) na Ofisi ya Rais (Utumishi na Utawala Bora) kwa Mwaka wa Fedha 2019/2020.

(Majadiliano yanaendelea)

DODOMA
15 APRILI, 2019

S. KAGAIGAI
KATIBU WA BUNGE